



UPA 2014/145.1
1. april 2014
Mimi Karlsen

Siunnersuut uunga: Radiukkut tv-kkullu aallakaatitsisarneq pillugu Inatsisartut Inatsisaat nr. xx, xx. xxx 2014-imeersoq.

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

Aviisit, radio, fjernsyn, film allallu, nutaarsiassanik, paasissutissanik alii-
kutassanillu inunnut amerlasuunut ingerlatsisartut tassaapput tusagassi-
uteqarfiit. Nunatsinnilu tusagassiuteqarfiit aallaaviulluinnartariaqarput de-
mokratimik siammaaffiussallutik. Nunatsinni domekrati imatut isigisarput:
inuup kialuunniit nammineq inuunerminut immiisinniisinaanera aammalu
periarfissaqarluni soqutigisat suugalulluunniit akornuteqanngitsumik
oqaaseqarfigisinnaallugit, ajornartorsiummillu aaqqiiniarnermi allanut ta-
manut naligiilluinnarmik oqalliseqataasinnaalluni. Tamatumingalu ineri-
artitsiffiusinnaasut pingaarutillit ilagaat tusagassiorfiit.

KNR Nunatsinni isorartungaartumi ataatsimoortitsivoq. Tusagassiutit, na-
qitaagunik, isiginnaagassiaagunik tusarnaagassiaagunilluunniit qularnaat-
sumik tamanut siammartartoq tassaavoq radio. Radiomi aallakaatitat tu-
sagassiat, oqaluttuat, niplersuutit, timersorneq meeqqanoortut allar-
pasuillu inuit isummersornissaannut kiffaanngissuseqanngitsumut ineri-
tuutaasartussaapput.

KNR tassaasoq nunarput tamakkerlugu tusaaneqarsinnaasutuaq aninga-
satigut ukiorpalunngortuni ajornartorsiortoq. Naalakkersuisullu kingulliit
aningaasatigut ajornartorsiorneq qaangerniarlugu assigiinngitsunik iliu-
seqartarsimapput. Ukiorpassuarni akiitsut isumakkeerneqarput, tusagas-
siutit pillugit nalunaarusiortoqarpoq aammalu arlaannulluunniit attuumas-
suteqanngitsumik misissuisitsisoqarluni.

KNR aningaasatigut ajornartorsionera aallaavigerpiarlugu Naalakkersui-
suniit aningaasaqarnermik aqutsinermillu ilisimasalimmik siulittaasumik
siulersuisunullu ilaasortassamik toqqaasimavugut. Inuit Ataqatigiinnilu
isumarpuqut tamakkuninnga assigiinngitsunik iliuuserisagut ilorraap tu-
ngaanut KNR-mi aallartitsisut.

Maannamut KNR arfineq marlunnik siulersuisoqarpoq tassannga marluk Naalackersuisunit toqqarneqarlutik. Siulersuisut sinneri Komminit Kattuffiannit, tusarnaartartut sinnerlugit toqqagaapput, KNR-mi sulisoq tusagas-siortunngorniafimmiillu toqaagaqarluni.

Taamatut toqqaasinnaaneq Inuit ataqatigiinni orniginartinneroqaarput, Naalackersuinikkut toqqaannaq nammineq aalajangiinissaminngarnik. Amerlanerpaat ilisimasallit oqartussaaqataarusuttullu inissaqartittariaqar-pagut, siulittaasoqarnermilu Naalackersuisup toqqarsinnaajuaannarpaa ilinniarsimassuseq, misilittagaqarneq aningaasatigullu aqutsisinnaasumik toqqaasinnaanissaq.

Inuit Ataqatigiinniit inatsisissap sinnera ajorinagu taamaallaat KNR-mi siu-lersuisussanik Naalackersuisut kisimiilluni toqqasarnissaa akuerinngilar-put.

Taamaammallu Inatsisissaq Kultureqarnermut ataatsimiitsitaliamut inger-laqqinnissaa innersuussutigalugu.